

Naqqiut

Siunnersuut 22. august 2018-imeersoq taarserpaa
(Inatsisip quleqataa aamma kalaallisuuani § 30 iluarsineqarpoq)

Uunga siunnersuut: Katersugaasiveqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq
(Nunamit allanngutsaaliukkami, Nunatta Avannaarsuaniit Kangianiillu Biosfæreqlarfiusumiit annissisinnaanermut aalajangersakkat sukannererusut kiisalu katersugaasiveqarneq pillugu ataatsimiitaliap katitsigaanera, piffissaq atuuffissaa akilerneqartarneralu pilligit aalajangersakkat)

§ 1

Katersugaasiveqarneq pillugu Inatsisartut inatsisaanni nr. 8, 3. juni 2015-imeersumi imaattunik allannguiteqartitsisoqassaaq:

1. § 12, imm. 2 imatut oqaasertalerneqassaaq:

”*Imm. 2. Nunatta Katersugaasivia Allagaateqarfialu kalaallit katersugaasivii sinnerlugit isumaqatigiinniartarpoq kulturikkut aamma pinngortitamit itsarnitsat aamma tigussaasut immikkut naleqartutut nalunaarsorneqarsimasut, tak. § 26, Danmarkimut nunanulluunniit allanut anninnejqarsimasut utertinneqarnissaat pilligit.*”

2. § 20 imatut oqaasertalerneqassaaq:

”**§ 20.** Naalakkersuisut arlaannaannulluunniit atasuunngitsumik Katersugaasiveqarnermut Ataatsimiitaliamik pilersitsissapput. Katersugaasiveqarnermut Ataatsimiitaliap piginnaatitaaffii tamakkiisumik ilaannakuusumilluunniit allanut tunniunneqarsinnaanngillat.

Imm. 2. Katersugaasiveqarnermut Ataatsimiitaliaq 5-nik ilaasortaqarpoq, Naalakkersuisunit toqbarneqartartunik. Ilaasortat toqbarneqartarput ukunannga inassuteqartoqarnera tunngavigalugu:

- 1) Nunatta Katersugaasivia Allagaateqarfialu.
- 2) Nunatsinni Katersugaasiviit Kattuffiat, NUKAKA, katersugaasivinni akuerisaasuni pisortat akornanniit.
- 3) Nunatsinni Katersugaasiviit Kattuffiat, NUKAKA, katersugaasivinni akuerisaasuni siulersuisuni ilaasortat akornanniit.
- 4) Kommunit ataatsimoorlutik, taamaattoq tak. imm. 4.
- 5) Ilisimatusarfik.

Imm. 3. Kattuffiat il.il. inassuteqartut, tak. imm. 2, tamarmik qinigassanik 2-nik inassuteqassapput.

Imm. 4. Kommunit ataatsimoorussamik inassuteqaateqarnissaminnik isumaqatigiissuteqarsinnaanngippata Naalakkersuisut kommuninit inassutigineqartut akornanniit ilaasortassamik toqqaassapput.

3. § 20-ip kingorna ikkunneqassaaq:

” § 20 a. Katersugaasiveqarnermut Ataatsimiititaliap ataatsimoorluni sinnisuuffigissavai ilisimasat kulturikkut kingornussanut tigussaasunut aamma tigussaasuunngitsunut tunngasut, kiisalu pinngortitamut kulturikkullu kingornussanut tunngasut nunamut tamarmut sumiiffinnullu assiginngitsunut attuumassuteqartut. Ilaasortat Kalaallit Nunaanni aalajangersimasumik najugaqartuussapput.

Imm. 2. Ilaasortat tamarmik ataasiakkaarlutik piginnaaneqarfeqassapput suliassaqarfimmuit arlalinnulluunniit ataatsimiititaliap ataatsimut sinnisuuffigisaani, tak. imm. 1.

Imm. 3. Katersugaasiveqarnermut Ataatsimiititaliap siulittaasussani taassumalu tullissaa nammineq akunnerminni qinertarpaa.

Imm. 4. Katersugaasiveqarnermut Ataatsimiititaliap nammineq suleriaasissani aalajangersartarpaa.

§ 20 b. Katersugaasiveqarnermut Ataatsimiititaliami ilaasortat toqqarneqartarput piffissamut ukiunik 4-nik sivisussusilikamik, siullermik piffissamut 1. januar 2020-miit 31. december 2023-mut.

Imm. 2. Ilaasortat toqqaqqinnejqarsinnaapput.

Imm. 3. Ilaasortap piffissami toqqagaaffigisamini tunuarneratigut imaluunniit tunuartinneqarneratigut Naalakkersuisut inassuteqartussaasut inassuteqareerneranni ilaasortassamik nutaamik toqqaasarput. Naalakkersuisut toqqaasarnerminni isiginiaartassavaat katersugaasiveqarnermi ataatsimiititaliap ingerlaavartumik piumasaqaataasunik § 20 a, imm. 1 aamma 2-mi aalajangersakkanik eququutitsisarnissaat. Ilaasortaq nutaaq qinigaaffiup ukiunik 4-nik sivisussuseqartup sinnerani atuutissaaq.

Imm. 4. Naalakkersuisut ilaasortamik ilaasortaajunnaarsitsisisinnaapput ilaasortaq pineqartoq ilatsiinnarpallaarpaat imaluunniit suliassaminik isumaginninnissaminut allatigut piukkunnarunnaarsimappat.

§ 20 c. Katersugaasiveqarnermut Ataatsimiititaliami ilaasortat Inatsisartuni Naalakkersuisunilu il.il. ilaasortat aningaasarsiaqartitaanerat il.il pillugit Inatsisartut inatsisaanni kapitali 7 naapertorlugu aningaasarsiaqartinnejqassapput.”

4. § 26 imatut oqaasertalerneqassaaq:

” § 26. Tigussaasut §§-ini 24-25-imi ilaanngitsut, kisianni kalaallini kulturikkut imaluunniit pinngortitap oqaluttuarisaaneranik ersersitsisut, Nunatta Katersugaasivianit Allagaateqarfianilli nalunaarsorneqarsinnaapput immikkut naleqartutut.”

5. § 30 imatut oqaasertalerneqassaaq:

“ § 30. Qaqutigoortunut kulturikkut pinngortitamilu oqaluttuarisaanermut tunngassutilinnik nassaanut nalilinnik Naalakkersuisut Nunatta Katersugaasiviata Allagaateqarfialalu oqaaseqaateqareernerani nassaartumut akissarsisitsisoqarsinnaavoq.”

6. § 33, imm. 1 imatut oqaasertalerneqassaaq:

“ Inuit pilersitaat tigussaasut kalaallinit aallaavillit 1945 sioqqullugumeersut, aamma tigussaasut § 26 naapertorlugu immikkut naleqarnerusutut nalilerneqartut, nunamiit aallarunneqaqqusaanngillat Nunatta Katersugaasivianit Allagaateqarfianillu akuersissutitaqanngitsumik, taamaattoq tak. imm. 4.”

7. § 33-mi immikkoortutut nutaatut ikkunneqassapput imm. 3-p kingorna:

“ Imm. 4. Nunamit allanngutsaaliukkatut aalajangiussaasumiit, Nunatta Avannaarsuani Kangianilu Biosfæreparfiusumiit inuit pilersitaat tigussaasut kalaallinit pinngorfeqartut qangarnisaaneri apeqquataatinnagit nunatsinniit anniseqqusaaanngillat, Nunatta Katersugaasivianit Allagaateqarfianillu akuersissutitaqanngitsumik.

imm. 5. Naalakkersuisut sumiiffinnut ersarinnerusunik killilikkanut tunngatillugu malittarisassiorsinnaapput, inuit pilersitaat tigussaasut kalaallinit aallaavillit, sumiiffinnillu ersarinnerusumik killilikkkaneersut, qangarnisaaneri apeqquataatinnagit nunatsinniit anniseqqusaaannginneri pillugit, Nunatta Katersugaasivianit Allagaateqarfianillu akuersissutitaqanngitsumik.”

8. § 38, imatut oqaasertalerneqassaaq:

“ Unioqqutitsinerni § 27, imm. 3 aamma 4, § 28, imm. 1, § 28, imm. 2, oqaaseqatigiit siulliit, § 28, imm. 3, 1. aamma oqaaseqatigiit aappaat, § 28, imm. 4, § 29, imm. 2, oqaaseqatigiit siulliit, § 32 aamma § 33, imm. 1 aamma 4-mik, pineqaatissiisoqarsinnaavoq akiliisitsinikkut Kalaallit Nunaannut pinerluttulerinermut inatsimmi aalajangersakkat naapertorlugit.

Imm. 2. Maleruagassanut aalajangersarneqarsimasunut § 10, imm. 3, § 31 aamma § 33, imm. 5 naapertorlugit pineqaatissiissuteqartoqarsinnaavoq akiliisitsinikkut, Kalaallit Nunaanni pinerluttulerinermut inatsit naapertorlugi.

Imm. 3. Inatsisartut inatsisaat imaluunniit malittarisassat Inatsisartut inatsisaat tunngavigalugu suliaasut kingunerisaannik akiliisitsisoqarsinnaaneranik aalajangersaasoqarsimatillugu akiliisitsissutissat inatsisit naapertorlugit inummut pisussaaffiliunneqarsinnaavoq, Kalaallit Nunaanni pinerluttulerinermut inatsit naapertorlugi.

Imm. 4. Akiliisitsissutit imm. 1-3 naapertorlugu aalajangerneqartut nunatta karsianut akilerneqartassapput.”

§ 2

Inatsisartut inatsisaat atortuulerpoq 1. januar 2019.

Imm. 2. § 1, nr. 2 aamma 3 atortuulissapput ulloq 1. januar 2020.

Namminersorlutik Oqartussat, ulloq xx. xxx 2018.

Kim Kielsen